

丙

扁鹊心书
神方附



扁鵲心書卷下

古神醫盧人扁鵲傳

宋太醫真定竇材重集

國朝 錢塘胡珩參論

陰莖出膿

此由酒色過度真氣虛耗故血化為膿令人漸漸羸瘦六脈沉細當每日服金液丹霹靂湯外敷百花散

五六日腹中微痛大便滑小便長忌房事犯之復作

若灸關元二百壯則病根去矣

遺滑淋濁無不由酒色之過至千血出可



謂劇矣又至化血為膿則腎虛寒而精腐敗非
溫補不可更須謹戒若仍不慎必致泄氣而死

腸癰

此由膏粱飲酒太過熱積腸中久則成癰服當歸建

中湯自愈若近肛門者用鍼刺之出膿血而愈

此證身皮

甲錯腹皮急脹如腫甚者腹脹大轉有水聲或繞臍
生瘡若臍間出膿者不治大法以口口為主若膿成

口口口口
而殞

腸痔

此由酒色飲食太過致經脉解而不收故腸裂而為

痔服金液丹可愈外取鼠腐

當是婦字

蟲十枚研爛攤紙



上貼之少刻痛止若老人患此須灸關元二百壯不

然腎氣虛毒氣下注則難用藥也

凡係咳嗽吐血後大腸並肺虛極而

熱陷于大腸多難收功若專干治痔而不顧本原未有不致弊者

膏肓病

人因七情六慾形寒飲冷損傷肺氣令人咳嗽胸膈不利惡寒作熱可服全真丹若服冷藥則重傷肺氣令人胸膈痞悶昏迷上奔口中吐冷水如含冰雪四肢困倦飲食漸減此乃冷氣入于肺中侵于膏肓亦名冷勞先服金液丹除其寒氣再用薑附湯十日可



愈或服五膈散撮氣散去肺中冷氣重者灸中府三

百壯可愈

形寒飲冷之傷初起原不甚深重醫人不明此證誤與涼藥積漸冰堅致成膏肓之

疾及至氣奔吐冷寒熱無已不思轉手溫補仍與以滋陰退熱等劑以致不起非是病殺乃醫殺也

治驗

一人暑月飲食冷物傷肺氣致咳嗽胸膈不利先

服金液丹百粒泄去一行痛減三分又服五膈散

而安但覺常發後五年復大發灸中府穴五百壯

方有極臭下氣難聞自後永不再發

世醫不審病因動云暑月

熱氣傷肺一派寒涼致水氣不消變成大病

噎病

肺喜煖而惡寒若寒氣入肺或生冷所傷又為庸醫

下涼藥冰脫肺氣成膈噎病覺喉中如物塞湯水不

能下急灸命關二百壯自然肺氣下降而愈噎病之多死者

皆由咽中堵塞飲食不進醫人畏用熱藥多用寒涼潤取其滋補焉能得生用先生灸法甚妙奈人不能

信用何哉

又有肺寒一證令人頭微痛多清涕聲啞惡寒肩背

拘攣脉微浮緊當服華蓋散重則姜附湯忌冷物此

證不可誤認作癆證治故表而出之肺寒之證世醫不識不能用溫



散但用桑皮貝母麥冬玉竹等
味壅住寒邪做成弱證者多矣

咳嗽

咳嗽多清涕者肺感風寒也華蓋散主之若外感風
寒內傷生冷令人胸膈作痛咳而嘔吐五膈散主之
咳嗽煩躁者屬腎石膏丸主之大凡咳嗽者忌服涼
藥犯之必變他證忌房事恐變虛勞久咳而額上汗
出或四肢有時微冷間發熱困倦者乃勞咳也急灸
關元三百壯服金液丹保命丹姜附湯須早治之遲
則難救

治咳嗽之法若如先生因證制宜焉有癆瘵
不治之患無如醫者輒以苓知桑杏爲要藥

致肺氣冰伏脾腎虛敗及至用補又不過以四君
六味和平之劑和平之藥與之所謂養殺而已

咳嘔病

此證方書名為哮喘因天寒飲冷或過食鹽物傷其

肺氣故喉常如風吼聲若作勞則氣喘而滿須灸天

突穴五十壯重者灸中腕穴五十壯眼五膈散或研

蚯蚓二條醋調服立愈

哮喘遇冷則作逢勞則甚審治得當愈亦不難然少有除

根者先生此法甚妙請嘗試之

失血

凡色慾過度或食冷物太過損傷脾肺之氣故令人



咯血食前服鍾乳粉金液丹食後服阿膠散而愈若
老年多于酒色損傷脾氣則令人吐血損傷腎氣則
令人瀉血不早治多死當灸關元三百壯服薑附湯

金液丹自愈傷肺氣則血從鼻出名曰肺衄乃上焦
熱氣上攻也服金液丹或口含冷水以鬱金末調塗
項後及鼻柱上凡肺衄不過數杯如出至升斗者乃

腦漏也當作腦
衄為是由真氣虛而血妄行急灸關元三寸

留二十呼立止再灸關元二百壯服金液丹草神丹

可保失血之證世人所畏而醫人亦多縮手其畏者
為殞命之速而成癆瘵之易縮手者恐不識其

原而脫體之難不知能究其原察其因更觀其色辨其脉或起于形体之勞或成于青志之過由于外感者易治出于內傷者難痊絡脉與經隧有異經隧重而絡脉輕肝脾與肺腎不同肺腎難而肝脾易苟不訛其治法雖重難亦可挽回唯在辨別其陰陽權衡其虛實溫清補瀉各得其宜不可畏其灸燄專尙寒涼逐漸消伏其生氣而致不可解者比比矣

治驗

一人患腦衄日夜有數升諸藥不效余爲針關元穴入二寸留二十呼問病人曰針下覺熱否曰熱矣乃冷吸氣出針其血立止

一法治鼻衄與腦衄神方用赤金打一戒指帶左

手無名指上如發作時用右手將戒指捏緊箍住則衄止矣。

腎厥

凡人患頭痛百藥不効者乃腎厥服石膏丸黑錫丹

則愈此病多酒多色人則有之

經云厥成爲巔疾又云少陰不至者厥也

頭痛之證腎虛者多若用他藥斷難奏效惟大溫補爲是溫補不効其丹艾乎

治驗

一人因大惱悲傷得病晝則安靜夜則煩惋不進飲食左手無脉右手沉細世醫以死證論之余曰

此腎厥病也。因寒氣客脾腎二經，灸中脘五十壯，關元五百壯，每日服金液丹、四神丹，至七日，左手脈生，少頃大便下青白膿數升許，全安。此由真氣大衰，非藥能治，惟艾火灸之。

此證非灸法不愈，非丹藥不效。二者人多

不能行醫，人僅用泛常藥以治，其何能生。

脾勞

人因飲食失節，或吐瀉服涼藥，致脾氣受傷，令人面黃肌瘦，四肢困倦，不思飲食。久則肌肉瘦盡，骨立而死。急灸命關二百壯，服草神金液，甚者必灸關元。

先天

之原腎是也後天之本脾是也人能于此二藏謹攝
調養不使有乖自然藏府和平經脈運行榮衛貫通
氣血流暢又何勞病之有病至干勞則已極矣非重
溫補何由得生虞范溪強立五勞之證所用皆係溫
平涼劑以此災梨禍
藜實是貽害後人

腎勞

夫人以脾爲母以腎爲根若房事酒色太過則成腎
勞令人面黑耳焦筋骨無力灸關元三百壯服金液
丹可生遲則不治

頭痛

風寒頭痛則發熱惡寒鼻塞肢節痛華蓋五膈消風

散皆可主若患頭風兼頭暈者刺風府穴不得直下

針恐傷大筋則昏悶向左耳橫紋針下入三四分留

去來二十呼覺頭中熱麻是効若風入太陽則偏頭

風或左或右痛連兩目及齒灸腦空穴二十一壯其

穴在腦後人髮際三寸五分再灸目窗二穴在兩耳

直上一寸五分二十一壯左痛灸左右痛灸右

證候多端治得其法者殊少致為終身痼疾先生
刺灸二法甚妙無如醫者不知病者畏痛奈何

眼病

肝經壅熱上攻致目生昏翳先服洗肝散數劑後服



撥雲散其翳自去若老年人腎水枯涸不能上榮于

目致雙目昏花漸至昏暗變為黃色名曰內障服還

睛丹半月目熱上攻勿懼此乃腎氣復生上朝于目

也如覺熱以手掌揉一番光明一番一月間光生復

舊矣眼科用藥不循紀律祇用一派發散寒涼所謂

喪明者少矣

治驗

余家女婢忽二目失明視之又無昏翳細思此女

年少精氣未衰何緣得此證良由性急多怒有傷

肝藏故經脈不調而致遂與密蒙花散一料如舊

光明矣

病有萬變醫止一心線索在手頭緒逼清何懼病體之多端不愁治療之無術

夢泄

凡人夢交而不泄者心腎氣實也夢而即泄者心腎

氣虛也此病生于心腎非藥可治當用紙撚長八寸

每夜緊緊陰囊天明解之自然不泄若腎氣虛脫寒

精自出者灸關元六百壯而愈若人一見女子精即

泄者乃心腎大虛也服大丹五兩甚者灸巨門五十

壯仲景云陰寒精自出瘦削不能行可知精之不固由于陽之不密先生云腎氣虛脫寒精自出則温



補下元為得法矣世醫苟明此理以治遺精必不專事寒涼而致人天枉矣

奔豚

此由腎氣不足又兼濕氣入客小腸連臍發痛或上

或下若豚之奔或痛連外腎成疝氣者服塌氣散

黃丸金鈴子丸或蟠葱散奔豚與疝不同混淆不得從小腹而上抵心者奔豚

也從少腹而上逆臍冒氣與橫弦胃疝也從陰囊而上衝心膈痛欲死者衝疝也從少腹而下連腎區者

小腸與狐疝也是
有差別不可不審

肺膈痛

此證因肺虛氣不下降寒氣凝結令人胸膈連背作

